



Bulevar mira 1, 76100 Brčko distrikt BiH, telefon: 049/240-709, faks: 049/217-234, centrala: 049/240-600
Булевар мира 1, 76100 Брчко дистрикт БиХ, телефон: 049/240-709, факс: 049/217-234, централа: 049/240-600

Broj predmeta: 13-000155/23
Broj akta: 02-1533ST-0023/23
Datum, 15.6.2023.. godine
Mjesto, Brčko

Na osnovu člana 21. Zakona o Vladi Brčko distrikta Bosne i Hercegovine ("Službeni glasnik Brčko distrikta Bosne i Hercegovine" broj: 22/18 – prečišćeni tekst, 49/18, 8/19, 10/19 i 32/19), člana 20. Zakona o javnoj upravi Brčko distrikta Bosne i Hercegovine ("Službeni glasnik Brčko distrikta Bosne i Hercegovine", broj: 25/20 – prečišćeni tekst), člana 29. stav (3) Zakona o izvršenju budžeta Brčko distrikta Bosne i Hercegovine za 2023. godinu („Službeni glasnik Brčko distrikta Bosne i Hercegovine“ broj: 48/22), te Odluke o odobravanju tekuće donacije i usvajanju programa utroška sredstava za finansiranje udruženja građana Brčko distrikta Bosne i Hercegovine proisteklih iz proteklih ratova XX vijeka od posebnog interesa za 2023. godinu, broj: 13-000155/23, broj akta: 01.11-0323SR-021/23 od 14.6.2023. godine, šef Odjeljenja za stručne i administrativne poslove **o b j a v l j u j e**:

P O Z I V

ZA PODNOŠENJE ZAHTJEVA ZA DODJELU TEKUĆE DONACIJE ZA UDRUŽENJA GRAĐANA BRČKO DISTRIKTA BOSNE I HERCEGOVINE PROISTEKLIH IZ PROTEKLIH RATOVA XX VIJEKA

I

Cilj

Cilj poziva je finansiranje tekućih troškova kojim će se olakšati rad udruženjima građana Brčko distrikta Bosne i Hercegovine proisteklih iz proteklih ratova XX vijeka, te stvoriti adekvatniji uslovi za rad.

II

Pravo učešća

Zahtjeve za dodjelu tekuće donacije mogu podnijeti udruženja građana Brčko distrikta Bosne i Hercegovine koja za cilj imaju zaštitu prava i interesa demobilisanih boraca, definisanje, ostvarivanje i praćenje ostvarivanja prava boraca zarobljenih, poginulih i nestalih boraca i civilnih žrtava proisteklih iz proteklih ratova XX vijeka, a koja su opravdala dodjeljena sredstva iz prethodne godine iz budžeta Brčko distrikta Bosne i Hercegovine i za koje se utvrdi da ispunjavaju sve kriterijume iz člana III ovog poziva.

III

Kriterijumi za dodjelu tekuće donacije

Kriterijumi za dodjelu tekuće donacije:

1. da su registrovana, odnosno osnovana najkasnije do 31. 12. 2010. godine;
2. institucionalna saradnja udruženja s organima vlasti Brčko distrikta Bosne i Hercegovine, u periodu dužem od deset godina;
3. da su planovi rada i aktivnosti udruženja u proteklih deset godina usmjereni na poboljšanje članstva i boračke populacije u cjelini;
4. saradnja s institucijama i udruženjima s drugih nivoa vlasti u Bosni i Hercegovini;
5. da su članovi matičnih saveza boračkih udruženja u Bosni i Hercegovini i regiji;
6. broj članova udruženja.

IV

Spisak neophodne dokumentacije za dodjelu tekuće donacije

Uz zahtjev za dodjelu tekuće donacije udruženje obavezno prilaže sljedeću dokumentaciju:

- a) zahtjev za dodjelu tekuće donacije (ANEKS I);
- b) kopija aktuelnog izvoda iz sudskog registra, ne stariji od 6 mjeseci;
- c) kopija prvog rješenja o osnivanju udruženja;

- d) kopija važećeg statuta;
- e) karton deponovanih potpisa iz banke ili ugovor podnosioca zahtjeva s bankom u kojoj ima otvoren tekući račun;
- f) potpisana i ovjerena izjavu da za istu svrhu i namjenu nije dobio sredstva (ili mu nisi odobrena) ni od jednog drugog budžetskog korisnika u tekućoj godini (ANEKS V);
- g) plan i program rada udruženja (ANEKS II);
- h) finansijski plan za tekuću godinu s jasno definisanim opisom troškova (ANEKS III);
- i) odluka nadležnog organa korisnika sredstava o odobravanju i usvajanju plana i programa rada i finansijskog plana (ANEKS IV);
- j) uvjerenje da poreski obveznik nema dospjelih, a neizmirenih poreskih obaveza ili sporazum zaključen s Poreskom upravom o odgođenom plaćanju neizmirenih poreskih obaveza udruženja ne stariji od 3 mjeseca;
- k) kao dokaze iz člana III dostaviti rješenje o registraciji, kopije zaključenih ugovora s institucijama, godišnji izvještaj o radu, ovjerena izjava o broju članova, zapisnike, potvrde i drugu dokumentaciju kojom se dokazuje ispunjenost kriterijuma.

V

Finansijski okvir

Sredstva za realizaciju ovog poziva su osigurana Budžetom Brčko distrikta BiH za 2023. godinu, na organizacionom kodu 15010001 – Pododjeljenje za podršku MZ, NVO i UG, ekonomski kod: 614300 – Tekuće donacije neprofitnim organizacijama i iznose **390.000,00 KM**.

VI

Način dodjele tekuće donacije

Komisija će, na osnovu podnesenih zahtjeva za dodjelu tekuće donacije (opis programa i finansijski plan) iz člana IV, a u skladu sa kriterijumima predviđenim članom III ovog poziva, odlučiti o ispunjenosti uslova i visini sredstava za dodjelu.

VII

Vrijeme trajanja poziva

Poziv za dostavu zahtjeva za dodjelu tekuće donacije ostaje otvoren do utroška sredstava.

VIII

Način prijavljivanja

Aneksi prijave sa prpratnom dokumentacijom, za učešće na ovom pozivu, možete preuzeti na web stranici: www.vlada.bdcentral.net.

Zahtjeve za učešće na ovom pozivu popuniti isključivo u elektronskoj formi i dostaviti u zatvorenoj koverti, sa naznakom: **“ZAHTJEV ZA DODJELU TEKUĆE DONACIJE ZA UDRUŽENJA GRAĐANA BRČKO DISTRIKTA BOSNE I HERCEGOVINE PROISTEKLIH IZ PROTEKLIH RATOVA XX VIJEKA – NE OTVARATI, OTVARA KOMISIJA”**. Sa druge strane koverte navesti naziv udruženja, te zahtjev dostaviti, putem protokola Vlade Brčko distrikta BiH, Odjeljenju za stručne i administrativne poslove ili putem pošte na adresu: **Odjeljenje za stručne i administrativne poslove, Bulevar mira br. 1, Brčko distrikt BiH**.

Za sve potrebne informacije možete se obratiti putem e-maila:

Suzana Starčević: suzana.starcevic@bdcentral.net

Amir Karamujić: amir.karamujic@bdcentral.net

Srdan Kisić: srdjan.kisic@bdcentral.net ili na kontakt telefon: 049/220-009.

ŠEF ODJELJENJA

Senad Tufekčić, dipl. psiholog - pedagog

DOSTAVITI:

1. Oglasna tabla Vlade Brčko distrikta BiH,
2. Sektor za informisanje /web urednik/,
3. Evidenciji,
4. Arhivi.